

290* capitano di le fantarie, fra' Lunardo et Gnagni Pincone, e lui provedador li andò drio e visto il tutto ritornono zoso, e poi disnato non partì. *Item*, per uno Doardo fo homo d' arme dil Manfron hora era balestrier di domino Zuam Forte, qual fo preso l' altro zorno a la scolta e ritornato ozi dil Campo di Montagnana, dice el dito Campo esser persone da fati zereha 12 milia e doman dienq unirsi con quelli di Vicenza, e che l' artelaria che era stà mandà a Ferrara era stà mandà a tuor, e che 40 lanze dil ducha in pressa andava a Ferrara con quelle 400 lanze spagnole e si diceva da poi doman era per venir il Campo li a Moncelese, etc. *Item*, scrive di uno Manzom, qual per non esser chi dagi corda de li, il provedador Griti à voluto lol mandì a Padoa e l' ha mandato con il processo. *Item*, in quella note venedo contadini mandati per diverse vie, disseno como l' era posto in hordine una grossa cavalehata de inimici e butava ponte a la Branchaja per passar, e che hanno certo intelligentia in la terra e zonti che sieno harano subito una porta, unde l' andò in piazza e fe' mudar la varda in ogni locho e fe' dar fuoco a do falconeti, acciò le scolte nostre tutte se retrasesseno e che li contadini non aspetasse la furia, et mandò a la volta de la Branchaja e altrove per far la scoperta. *Tamen* non si vete ni senti altro, etc.

Nota. Vidi lettere dil dito a sier Valerio suo fratello, scrive a di 17: ave per una spia zonta a hore tre che havia veduto ozi partir dil Campo forsi 100 cariazzi con forzieri, tende e altro, che tenia la via de l' Adexe verso Lignago, e che continuamente dil Campo partiva assa' cavali et che ozi non leverano, era fama voleano dar danari a le fantarie. *Item*, scrive che poi disnar col provedador Griti e quelli altri venuti fo rasonato assa' cosse. *Tandem* per li contestabeli deputati li, *videticet* Crucian Corso Mathio da Zara Frachasso e Nicoliza e Lorenzo di Alexandria furono alegate alcune raxon et oposto a un reparo fato per Piero Gajo, el qual per redrezarlo a qualche perfectione, richieseno che diti domino Zuam Paulo, el capitano di le fantarie e domino Gnagni li andasseno a veder, qualli ritornati, el capitano di le fantarie disse verso di lui proveditor Marzello la magnificencia vostra restala qui, rispose de sì, alhora el disse verso sier Andrea Griti havete bon tempo a perder questo zenthilomo, voi signori venetiani havete questo costume de intrar in questi luogi e ve dico che no ze remedio alcuno stante le cosse chome le stano a tenerlo, sichè fati mo quello che ve 291 par; e poco da poi missier Andrea montò a cavallo per ritornar in Campo, se li presentò i diti contesta-

beli, zoè Cruzian Corso, Matio da Zara, Frachasso e Nicoliza e Lorenzo di Alexandria, e Cruzian parlò da parte reserati con alcuni di noi altri, et disse queste formal parole: magnifico provedador voi signori se perdeti una terra de li a pochi zorni la requisitate, ma noi se perdemo l' honor nostro non l' acquistamo mai più, questo ve dico da parte mia e de tutti questi altri contestabeli mei fradelli, che hesendo questa terra mal provista chome la son che non li vedemo modo de mantenerla, sichè in presentia di missier Zuan Paulo Manfron, el capitano di le fantarie ve ne protestemo per l' honor nostro, sichè considerate che voglia mi atrovo vedendome perso certo, chome costoro dize, e di questo è causa li rectori di Padoa, perchè se questo inverno quando la Signoria scrisse si reparasse non li havesseno scritto mandasse homeni al piovego di Padoa, e mandò e si restò di lavorar; conclude è provisto di ogni desasio e non ha uno marzello; et cussi ha dito al provedador Griti, qual dice scriveria a la Signoria: et ozi li fo balotà ducati 40 a bon conto, e fu preso. E nota eri fo balotà dito mandato et non fu preso.

Di Marostega, do lettere di sier Vincenzo Baffo, podestà, di 16 e 17. In una manda una lettera auta di domino Bortolo da Porto, li scrive di Serzego che uno Agustim Feramoscha va li atorno facendo assa' malli e saria da prenderlo, et scrive altre cosse di Vicenza et nove e si provedi a quel locho.

Di Pordenon, di sier Alvisè Bondimier, proveditor. Scrive chome manda ducati 150 scossi da quelli citadini per far fanti per li, et sier Zuam Michiel suo zenero li portò in Colegio, et ordinato expedir Pauliza da Cataro contestabele rechiesto per dito provedador con 50 fanti.

Di sier Hieronimo Contarini, proveditor di l' armada, date in galia apresso Zara, a di 8. Come va verso Liesna e poi Corphù.

Poliza mandata in grecho in Campo a li stratioti (1).

Veneno sier Antonio Condulmer, sier Gasparo 291* Malipiero, sier Daniel di Renier, sier Zuam Badoer, dotor et cavalier et sier Zuam Navajer, deputati per Colegio za uno anno a udir le differentie di Summariva zereha di Andrè, per la sententia fece sier Hieronimo Contarini, *olim* proveditor di l' armada, che privò el signor predito dil dominio, etc.; et tutti par-

(1) Non c'è.